



I 279d

Voulle escribir
 nun papel branco
 que lle morreu a burra
 ó Manuel do Campo,
 /: ai si, ó Manuel do Campo :/

I o Manuel do Campo
 choraba por ela:
 “Adiós miña burra,
 e adiós burra vella,
 /: ai si, adiós, burra vella. :/

Adiós burra vella,
 i adiós compañeira;
 ¿quen te levará
 ó pé da nogheira,
 /: ai si, ó pé da nogheira?” :/

I 133

Tres varas e cuarta
 para facer un traxe
 e o raio do xastre
 non lle deu traspase,
 /: ai si, non lle deu traspase. :/

Para facer un traxe
 trse varas e cuarta
 e o raio do xastre
 dice que aínda falta,
 /: ai si, dice que aínda falta. :/

Fíxolle a chaqueta
 coma a dun torero
 i o raio do xastre
 levarache o demo,
 /: ai si, levarache o demo. :/